

**«Коми му» газет редакцияö шыödчисны Кörtкерöс районын олысьяс, кодъяс элясьöны, мый налысь керкасö капитальнöя дзоньталигөн веськөдлысь компанияныс видзöма коланасьыс тöдчымөн унджык сьом. Найö юалöны, кытчö колö шыödчыны, медым стöча артавны, мый вылө да уна-ө сьом видзöмаось налөн керкаын ремонт вöчигас.**

Вочакывсö сетö «Коми йöзöдчан керкаысь» директор, юрист **Вячеслав Попов**:

–Оланін кузя кодекс серти уна патераа керкаын олысьяслы, сідз шусяна собственникъяслы, кодъяс асэмбуралöмаось либö ньöбöмаось патерасö, öтув чукöртчылöмөн быть колö бöрйыны, коді кутас веськөдлыны налөн керкаөн: асьныс олысьясыс, ТСЖ либö веськөдлысь компания. Сэк жö кöть кор найö вермасны вежны асланыс керкаөн веськөдлысьсö, бара жö та могысь öтув чукöртчылöмөн.

Кыз тыдовтчис, редакцияö шыödчысьяслысь олан керкасö дöзöритö веськөдлысь компания. И сыкөд та кузя быть колö вöлі кырымавны сёрнитчöм сы йылысь, кор да мый колö вöчны тайö компанияыслы, тшöтш и кызди кывкутны, оз кö збыльмöд асьыс уджмогъяссö.

Веськөдлысь котырыслы быд во первой кварталын колö юöртны сыөн дöзöритан керкаын олысьяслы, мый вöчöма накөд сёрнитчöм кузя. Но йöзыс асьныс вермасны кутны син уланыс, кызди уджалö веськөдлысь организацияыс, а сідзжö та могысь позьö медавны аудиторöс, ЖКХ кузя мукöд специалистöс.

Веськөдлысь компанияыс кö кикурöда вöчö асьыс уджсö, торйөн кö, керка дзоньталигөн таргайтö сьомсö, уна патераа керкаын олысьяс вермасны шыödчыны асьнысö дорйöм могысь прокуратураö, тшöтш и судö.